

Ou te resevwa vaksen **Moderna** a

Enfòmasyon Enpòtan pou moun yo ki resevwa vaksen COVID-19 lan

Mèsi difèt ou resevwa vaksen COVID-19 lan. Ou se yon gwo moso nan jefò nou pou kwape maladi a epi pou kenbe kominote nou yo ansekirite.

Ou poko vaksinen konplètman!

Ou bezwen resevwa dezyèm dòz ou pou w ka vaksinen konplètman. Toutotan sa pa rive, ou ka toujou trape COVID-19 epi simaye l. Ant dòz yo epi aprè dezyèm dòz ou, kontinye pratike abitud ou te genyen pou viris la pa simaye.



Lave men w



Mete yon mask



Kenbe distans ou



Evite gwoup moun

Se pa tout moun ki pral vaksinen lè oumenm ou pral vaksinen. Epitou, alòske nou konnen ke vaksen an redwi anpil anpil sentòm yo, nou toujou kontinye ap aprann lòt bagay sou pwoteksyon vaksen an bay nan sitiyasyon lavi reyèl pou pa trape COVID.

Anwole pou dezyèm dòz MODERNA w

Planifye oswa konfime kijan pou òganize randevou pou dezyèm dòz ou anvan w kite premye randevou w.

- Ou sipoze pran dezyèm dòz vaksen w omwen 28 jou aprè premye dòz ou.
- Pran vaksen nan menm lokasyon ak premye dòz ou.
- Ou dwe resevwa menm vaksen an pou dezyèm dòz ou.

Ou gendwa santi efè segondè minim, efè segondè grav yo ra

Efè segondè grav vaksen lakòz, sa enkli vaksen pou COVID-19 lan, yo ra. Efè segondè ki pi komen yo minim e yo enkli:

- Fatig
- Doulè nan misk ak/oswa doulè nan jwenti
- Kè plen ak/oswa vomisman
- Mal tèt
- Frison
- Fyèv
- Doulè, sansiblite, anflamasyon ak woujè kote yo pike a

Efè segondè sa yo kapab dire plizyè jou men yo pa yon rezon pou panike. Si doulè kote yo pike a pèsiste oswa si w gen enkyetid, kontakte doktè w. Si w pa gen yon doktè prensipal oswa si w ta renmen rapòte nenpòt efè segondè bay CDC a, vizite [cdc.gov/vsafety](https://www.cdc.gov/vsafety).

Pou jwenn plis enfòmasyon, vizite [Mass.gov/COVIDvaccine](https://www.mass.gov/COVIDvaccine)

